

Møteinkalling

Utval: **Folgefonna nasjonalparkstyre**

Møtestad: , E-post AU

Dato: 21.03.2018

Tidspunkt:

Eventuelt forfall må meldast snarast på tlf. xxxx. Vararepresentantar møter etter nærmere beskjed.

Saksliste

Utvalgs- saksnr	Innhold	Lukket	Arkiv- saksnr
ST 8/18	Godkjenning av innkalling og dagsorden		
ST 9/18	Framlegg 1 - Søknad om å fly drone i Folgefonna nasjonalpark - Tindeguide - Folgefonna nasjonalparkstyre		2018/3881

ST 8/18 Godkjenning av innkalling og dagsorden

Arkivsaksnr: 2018/3881-0

Sakshandsamar: Astrid Bakke Haavik

Dato: 21.03.2018

Utval	Utvalssak	Møtedato
Folgefonna nasjonalparkstyre	9/18	21.03.2018

Framlegg - Søknad om å fly drone i Folgefonna nasjonalpark - Tindeguide - Folgefonna nasjonalparkstyre

Framlegg frå forvaltar

I medhald av delegeringsreglement vedteke i Folgefonna nasjonalparkstyre 29.05.2017, vert det gjort følgjande vedtak:

Med heimel i *Forskrift om vern av Folgefonna nasjonalpark* og naturmangfaldlova § 48 gjev arbeidsutvalet i Folgefonna nasjonalparkstyre Steinar Hustoft løyve til bruk av drone til å filme i Folgefonna nasjonalpark.

For løyvet gjeld følgjande vilkår:

- Løyvet gjeld 24. - 26. april 2018.
- Løyvet gjeld for inn til 40 min total flytid
- Dronepilot må gjere seg kjent med vernereglane.
- Filminga skal om mogleg skje utanom helg og heilagdagar.
- Om det vert observert rovfugl skal flyginga avsluttast straks.
- Før filming skal Statens naturoppsyn ved Olaf Bratland varslast, anten på e-post olaf.bratland@miljodir.no eller på tlf: **970 23 013**
- Rapport over utført flyging skal sendast til fmhopostmottak@fylkesmannen.no, referanse 2018/3881.

Søknaden

Steinar Hustoft søker i e-post frå 19.mars 2018 om å få fly med drone i Folgefonna nasjonalpark.

Han driv firmaet Tindeguide som driv med guiding på toppturar på Vestlandet med base på Voss. Planen for dronefykinga er å gjere opptak av kva naturen i området frå Sauda til Aurland har å by på, og promotere heile regionen som toppturdestinasjon. Opptaka skal gjerast over to helgar, fire dagar, med maks 40 minutter fyketid kvar helg. Toppar der ein skal filme er Gygrastol, Melderskin, Omnatind og Store Bjørndalstind. Søkjar har godkjenning etter krava for dronefyking (RO 1).

Lovheimel:

Saka gjeld bruk av drone i Folgefonna nasjonalpark. Søknaden må vurderast etter Forskrift om vern av Folgefonna nasjonalpark, § 48 i naturmangfaldlova og forvaltingsplan for Folgefonna nasjonalpark. Saka skal også vurderast i høve til naturmangfaldlova §§ 8-12.

I Forskrift om vern av Folgefonna nasjonalpark § 3 punkt 7.2. står det:

Bruk av motor på modellfly, modellbåt, isbor o.l. er forbode.

Under denne regelen fell også bruk av dronar. Det er ikkje opning for å søkje om dette gjennom verneforskrifta og difor må saka vurderast etter den generelle dispensasjonsheimelen i § 48 (dispensasjon frå vernevedtak) i naturmangfaldlova som seier at nasjonalparkstyret kan gjera unntak frå eit vernevedtak dersom det ikkje strider mot vernevedtaket sitt formål og ikkje kan påverke verneverdiane nemnande, eller dersom tryggleiksomssyn eller omsyn til vesentlege samfunnsinteresser gjer det naudsynt. Etter naturmangfaldlova § 7 skal prinsippa i §§ 8-12 leggjast til grunn ved utøving av offentleg mynde, og det skal komme fram av vedtaket korleis prinsippa er vurderte og lagt vekt på i saka.

Vurdering av saken

Bruk av drone er forbode i Folgefonna nasjonalpark, men det er høve å søke Folgefonna nasjonalparkstyre om dispensasjon. I så fall gjeld strenge reglar for å få dispensasjon. Produksjon av naturfilm og naturinformasjon har tidlegare fått løyve til bruk av helikopter til filming. I slike tilfelle kan bruk av drone ha mindre påverknad enn alternativet med helikopter og det vert vurdert. Lovar og regler legg ikkje opp til filming med drone til privat bruk, dokumentering av aktivitet, marknadsføring av einskildaktivitetar og bedrifter mm.

Delar av verneområdet har særleg sårbar natur, mens andre deler er særleg viktige friluftsområde Å oppleve stillheit og ro er blant dei viktigaste årsakene til at folk går på tur og driv med andre former for friluftsliv. Over 80 % oppgjer fred og stillheit i naturen som motivasjon for å gå på tur. Dette må vi rekne med er særleg gjeldande når folk ferdast i ein nasjonalpark, der urørt natur er hovudføremålet med vern. Dronar fører med seg støy og kan difor berre tillatast til naudsynte føremål og med vilkår som sikrar verneverdiane i eit langsiktig perspektiv. Både nasjonale retningsliner og forvaltningsplanen legg vekt på at støy i urørt natur skal avgrensast i størst mogleg grad.

Ved vurdering av søknaden har forvaltaren lagt til grunn at det er tilstrekkeleg kunnskap om verknadene ved bruk av drone i høve verneføremålet og naturmiljøet i området, jf. naturmangfaldlova § 8. I følgje Naturbase og Artskart er det for det aktuelle området ikkje registrert artar eller naturtypar som kan ta skade av droneflyging på denne tida av året (databasane er sist sjekka 21.03.2018). Rovfugl er kjent for å vere ekstra sårbare for forstyrring tidleg i hekkeperioden, som fell saman med tidspunktet for fyking. Det er ikkje kjent hekking av store rovfuglar ved desse fjelltoppane, men det kan ikkje utelukkast at det er rovfugler i området. Droneoperatør bør ikkje fly for nære berghyller utan god augekontakt med drona og halde seg innanfor rimeleg avstand. Om det vert observert rovfugl, må flyginga avsluttast straks.

I høve naturmangfaldlova § 12 skal ein ta utgangspunkt i best eigna driftsmetodar, teknikk og lokalisering for å unngå skader på naturmiljøet. Til dømes gjeld dette kva type motorferdsel som er mest skånsam for naturen. For å filme frå lufta i nasjonalparken er det berre drone eller filming frå helikopter som er aktuelt. Droner er mykje meir skånsamme for verneverdiane å bruke enn helikopter, då dei er mindre, bråkar mindre og krev mindre flytid. Det er veldig populært å ha droner for tida og faren med å gje eit løyve er at folk som ser ein drone som fyker i området har lite moglegheit for å vite om ein treng løyve for å fly

lovleg. Det vert oppfordra til å informere så godt som råd er når ein er på ein lokalitet og filmer, slik at publikum skjønnar at det ikkje er fritt fram å filme med dronar i verneområdet. I dette tilfellet vil ikkje bruk av drone ha stor verknad på verneføremåla eller føre til ein vesentleg negativ påverknad av verneverdiane. Det er likevel viktig å setje ei grense for tal turar, prøva å samle turane og unngå å køyre på sundagar og heilagdagar for å unngå konflikt med friluftsliv og unødig forstyrring av dyrelivet i området.